

0.0.1 tayodhamma suttaṃ

0. source: sāvatti

1. tayo me bhikkhave dhammā loke na saṃvijjeyyūṃ, na tathāgato loke uppajjeyya araham sammāsambuddho, na tathāgatappavedito dhammavinayo loke dippeyya. katame tayo: jāti ca jarā ca maraṇaṇca. ime kho bhikkhave tayo dhammā loke na saṃvijjeyyūṃ, na tathāgato loke uppajjeyya araham sammāsambuddho, na tathāgatappavedito dhammavinayo loke dippeyya. yasmā ca kho bhikkhave ime tayo dhammā loke saṃvijjanti, tasmā tathāgato loke uppajjati araham sammāsambuddho. tasmā tathāgatappavedito dhammavinayo loke dippati.

2. tayome bhikkhave dhammā appahāya abhabbo jātiṃ pahātuṃ jaram pahātuṃ maraṇam pahātuṃ. katame tayo: rāgam appahāya dosam appahāya moham appahāya. ime kho bhikkhave tayo dhamme appahāya abhabbo jātiṃ pahātuṃ jaram pahātuṃ maraṇam pahātuṃ.

3. tayome bhikkhave dhamme appahāya abhabbo rāgam pahātuṃ dosam pahātuṃ moham pahātuṃ. katame tayo: sakkāyadiṭṭhiṃ appahāya vicikiccham appahāya sīlabbataparāmāsam appahāya. ime kho bhik-

khave tayo dhamme appahāya abhabbo rāgaṃ pahātum dosam pahātum moham pahātum.

4. tayome bhikkhave dhamme appahāya abhabbo sakkāyaditthim pahātum, vicikiccham pahātum silabbataparāmāsam pahātum. katame tayo: ayonisomanasikāram appahāya kummaggasevanam appahāya cetaso līnattam appahāya. ime kho bhikkhave tayo dhamme appahāya abhabbo sakkāya ditthim pahātum vicikiccham pahātum silabbataparāmāsam pahātum.

5. tayome bhikkhave dhamme appahāya abhabbo ayoniso manasikāram pahātum kummaggasevanam pahātum cetaso līnattam pahātum. katame tayo: 'mutṭhasaccam appahāya asampajaññaṃ appahāya cetaso vikkhepaṃ appahāya. ime kho bhikkhave tayo dhamme appahāya abhabbo ayoniso manasikāram pahātum kummaggasevanam pahātum cetaso līnattam pahātum.

6. tayome bhikkhave dhamme appahāya abhabbo mutṭhasaccam pahātum asampajaññaṃ pahātum cetaso vikkhepaṃ pahātum. katame tayo: ariyānamadassanākam yataṃ appahāya ariyadhammassa asotukamyataṃ appahāya upārambhacittam appahāya. ime kho bhikkhave tayo dhamme appahāya abhabbo mutṭhasaccam pahātum asampajaññaṃ pahātum cetaso vikkhepaṃ pahātum.

7. tayome bhikkhave dhamme appahāya abhabbo ariyānamadassanakamyataṃ pahātum ariyadhammassa asotukamyataṃ pahātum upārambhacittataṃ pahātum. katame tayo: uddhaccaṃ appahāya asaṃvaram appahāya dussīlyam appahāya. ime kho bhikkhave tayo dhamme appahāya abhabbo ariyānamadassanakamyataṃ pahātum ariyadhammassa asotukamyataṃ pahātum upārambhacittataṃ pahātum.

8. tayome bhikkhave dhamme appahāya abhabbo uddhaccaṃ pahātum asaṃvaram pahātum dussīlyam pahātum. katame tayo: assaddhiyam appahāya avadaññutam appahāya kosajjam appahāya. ime kho bhikkhave tayo dhamme appahāya abhabbo uddhaccaṃ pahātum. asaṃvaram pahātum dussīlyam pahātum.

9. tayo me bhikkhave dhamme appahāya abhabbo assaddhiyam pahātum avadaññutam pahātum kosajjam pahātum. katame tayo: anādariyam appahāya dovacassataṃ appahāya pāpamittataṃ appahāya. ime kho bhikkhave tayo dhamme appahāya abhabbo assaddhiyam pahātum avadaññutam pahātum kosajjam pahātum.

10. tayo me bhikkhave dhamme appahāya abhabbo anādariyam pahātum dovacassataṃ pahātum pāpamittataṃ pahātum. katame tayo: ahirikaṃ appahāya anot-

tappaṃ appahāya pamādaṃ appahāya. ime kho bhikkhave tayo dhamme appahāya abhabbo anādariyaṃ pahātuṃ dovacassataṃ pahātuṃ pāpamittataṃ pahātuṃ.

11. ahirikoyaṃ bhikkhave anottappī¹ pamatto hoti, so pamatto samāno abhabbo anādariyaṃ pahātuṃ dovacassataṃ pahātuṃ pāpamittaṃ pahātuṃ, so pāpamitto samāno abhabbo assaddhiyaṃ pahātuṃ avadaññaṃ pahātuṃ kosajjaṃ pahātuṃ, so kusīto samāno abhabbo uddhaccaṃ pahātuṃ asaṃvaraṃ pahātuṃ dussīyaṃ pahātuṃ, so dussīlo samāno abhabbo ariyānamadassanakamyataṃ pahātuṃ ariyadhammassa asotukamyataṃ pahātuṃ, upārambhacittataṃ pahātuṃ, so upārambhacitto samāno abhabbo muṭṭhasaccaṃ pahātuṃ asampajaññaṃ pahātuṃ cetaso vikkhepaṃ pahātuṃ so vikkhitta citto samāno abhabbo ayo-nisomanasikāraṃ pahātuṃ kummaggasevanaṃ pahātuṃ cetaso līnattaṃ pahātuṃ, so līnacitto samāno abhabbo sakkāyaditṭhiṃ pahātuṃ vicikicchāṃ pahātuṃ sīlabataparāmāsaṃ pahātuṃ, so vicikicchho samāno abhabbo rāgaṃ pahātuṃ dosaṃ pahātuṃ mohāṃ pahātuṃ, so rāgaṃ appahāya dosaṃ appahāya mohāṃ appahāya abhabbo jātiṃ pahātuṃ jaraṃ pahātuṃ maraṇaṃ pahātuṃ.

12. tayo me bhikkhave dhamme pahāya bhabbo jātiṃ pahātuṃ jaraṃ pahātuṃ maraṇaṃ pahātuṃ. ka-

¹anottāpī - machasaṃ.

tame tayo: rāgaṃ pahāya dosaṃ pahāya moham pahāya. ime kho bhikkhave tayo dhamme pahāya bhabbo jātiṃ pahātuṃ jaraṃ pahātuṃ maraṇaṃ pahātuṃ.

13. tayo me bhikkhave dhamme pahāya bhabbo rāgaṃ pahātuṃ dosaṃ pahātuṃ moham pahātuṃ. katame tayo: sakkāyadiṭṭhiṃ pahāya vicikiccham pahāya sīlabbataparāmāsaṃ pahāya. ime kho bhikkhave tayo dhamme pahāya bhabbo rāgaṃ pahātuṃ dosaṃ pahātuṃ moham pahātuṃ.

14. tayome bhikkhave dhamme pahāya bhabbo sakkāyadiṭṭhiṃ pahātuṃ vicikiccham pahātuṃ sīlabbataparāmāsaṃ pahātuṃ. katame tayo: ayonisomanasikāraṃ pahāya kummaggasevanaṃ pahāya cetaso līnattaṃ pahāya. ime kho bhikkhave tayo dhamme pahāya bhabbo sakkāya diṭṭhiṃ pahātuṃ vicikiccham pahātuṃ sīlabbataparāmāsaṃ pahātuṃ.

15. tayome bhikkhave dhamme pahāya bhabbo ayonisomanasikāraṃ pahātuṃ kummaggasevanaṃ pahātuṃ cetaso līnattaṃ pahātuṃ. katame tayo: muṭṭhasaccaṃ pahāya asampajaññaṃ pahāya cetaso vikkhepaṃ pahāya. ime kho bhikkhave tayo dhamme pahāya bhabbo ayoniso manasikāraṃ pahātuṃ kummaggasevanaṃ pahātuṃ cetaso līnattaṃ pahātuṃ.

16. tayome bhikkhave dhamme pahāya bhabbo muṭṭhasaccaṃ pahātum asampajaññaṃ pahātum cetaso vikkhepaṃ pahātum. katame tayo: ariyānamadassanakamyataṃ pahāya ariyadhammassa asotukamyataṃ pahāya upārambhacittataṃ pahāya. ime kho bhikkhave tayo dhamme pahāya bhabbo muṭṭhasaccaṃ pahātum asampajaññaṃ pahātum cetaso vikkhepaṃ pahātum.

17. tayome bhikkhave dhamme pahāya bhabbo ariyānamadassanakamyataṃ pahātum ariyadhammassa asotukamyataṃ pahātum upārambhacittataṃ pahātum. katame tayo: uddhaccaṃ pahāya asaṃvaram pahāya dussīyaṃ pahāya. ime kho bhikkhave tayo dhamme pahāya bhabbo ariyānamadassanakamyataṃ pahātum ariyadhammassa asotukamyataṃ pahātum upārambhacittataṃ pahātum.

18. tayome bhikkhave dhamme pahāya bhabbo uddhaccaṃ pahātum asaṃvaram pahātum dussīyaṃ pahātum. katame tayo: assaddhiyaṃ pahāya avadaññaṃ pahāya kosajjaṃ pahāya. ime kho bhikkhave tayo dhamme pahāya bhabbo uddhaccaṃ pahātum. asaṃvaram pahātum dussīyaṃ pahātum.

19. tayome bhikkhave dhamme pahāya bhabbo assaddhiyaṃ pahātum avadaññaṃ pahātum kosajjaṃ pahātum. katame tayo: anādariyaṃ pahāya dovacasataṃ pahāya pāpamittataṃ pahāya. ime kho bhikkhave tayo dhamme pahāya bhabbo assaddhiyaṃ pa-

hātum avadaññutaṃ pahātum kosajjaṃ pahātum.

20. tayo me bhikkhave dhamme pahāya bhabbo anādariyaṃ pahātum dovacassataṃ pahātum pāpamittataṃ pahātum. katame tayo: ahirikaṃ pahāya anottappaṃ pahāya pamādaṃ pahāya. ime kho bhikkhave tayo dhamme pahāya bhabbo anādariyaṃ pahātum dovacassataṃ pahātum pāpamittataṃ pahātum.

21. hirimāyaṃ bhikkhave ottappī appamatto hoti, so appamatto samāno bhabbo anādariyaṃ pahātum dovacassataṃ pahātum pāpamittataṃ pahātum. so kalyāṇamitto samāno bhabbo assaddhiyaṃ pahātum avadaññutaṃ pahātum kosajjaṃ pahātum. so āradhaviṛiyo samāno bhabbo uddhaccaṃ pahātum asaṃvaraṃ pahātum dussīlyaṃ pahātum. so sīlavā samāno bhabbo ariyānamadassanakamyataṃ pahātum ariyadhammassa asotukamyataṃ pahātum upārambhacittataṃ pahātum. so anupārambhacitto samāno bhabbo muṭṭhasaccaṃ pahātum asampajaññaṃ pahātum cetaso vikkhepaṃ pahātum. so avikkhittacitto samāno bhabbo ayonisomanasikāraṃ pahātum kummaggasevanaṃ pahātum cetaso līnattaṃ pahātum. so alīnacitto samāno bhabbo sakkāyadiṭṭhiṃ pahātum vicikicchāṃ pahātum, sīlabbataparāmāsaṃ pahātum. so avicikiccho samāno bhabbo rāgaṃ pahātum dosaṃ pahātum mohāṃ pahātum. so rāgaṃ pahāya dosaṃ pahāya mohāṃ pahāya bhabbo jātiṃ pahātum jaraṃ pa-

hātum maraṇaṃ pahātunti.